

Na osnovu tačke III alineja 2. Odluke o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", br. 60/06 i 8/10), na prijedlog Federalne komisije za procjenu štete, na sjednici održanoj 19.12.2012. godine, Federalni štab civilne zaštite, donio je

ODLUKU

O ODOBRAVANJU JEDNOKRATNE NOVČANE POMOĆI ZA SANIRANJE ŠTETA OPĆINAMA TUZLANSKOG, ZAPADNO-HERCEGOVAČKOG, BOSANSKO-PODRINJSKOG, ZENIČKO-DOBOJSKOG I HERCEGOVAČKO-NERETVANSKOG KANTONA

I

Za sanaciju šteta nastalih prilikom proglašenja prirodne nesreće usljed velikog snijega odobrava se izdvajanje sredstava kao jednokratna novčana pomoć općinama Tuzlanskog, Zeničko-dobojskog, Hercegovačko-neretvanskog, Zapadno-hercegovačkog i Bosansko-podrinjskog kantona, u ukupnom iznosu od 3.038.000,00 KM, i to:

1) općinama Tuzlanskog kantona iznos od 133.200,00 KM za općine:

- Čelić – 10.000,00 KM - za sanaciju građevinskih objekata, regulaciju riječnih korita i klizišta,
- Doboj Istok – 9.500,00 KM - za sanaciju šteta na stambenim i pomoćnim objektima, plastenicima, ribnjacima, dugogodišnjim nasadima, sanaciji klizišta, puteva i opreme,
- Kalesija – 13.000,00 KM – za sanaciju šteta na plastenicima, stambenim, poslovnim i drugim objektima,
- Kladanj – 60.000,00 KM – za sanaciju šteta na stambenim i pomoćnim objektima, plastenicima, ribnjacima, dugogodišnjim zasadima, sanacija klizišta i puteva,
- Živinice – 40.700,00 KM – za sanaciju šteta na stambenim i pomoćnim objektima i plastenicima, sanacija lokalnih puteva.

2) općinama Zeničko – dobojskog kantona iznos od 327.500,00 KM za općine:

- Breza – 11.000,00 KM - za sanaciju plasteničke proizvodnje,
- Kakanj – 104.500,00 KM - za sanaciju objekta Doma kulture Kakanj,
- Olovo – 20.000,00 KM - za sanaciju šteta na građevinskim objektima i dugogodišnjim zasadima,
- Visoko – 92.000,00 KM – za sanaciju šteta u poljoprivredi (plastenici), stambenih i pomoćnih objekata,
- Zenica – 100.000,00 KM – za sanaciju šteta na Kantonalnoj bolnici, školskim objektima i oštećenim građevinskim objektima u vlasništvu fizičkih lica.

3) općinama Hercegovačko - neretvanskog kantona iznos od 1.045.600,00 KM za općine:

- Čapljina – 191.000,00 KM - za sanaciju i revitalizaciju stanja na objektima u poljoprivrednoj proizvodnji i dodatnih 476.600,00 KM za sanaciju iskazanih šteta u poljoprivredi iznad 45.000,00 KM,

- Čitluk – 50.000,00 KM - za sanaciju šteta poljoprivrednim proizvođačima i šteta na građevinskim objektima kod fizičkih lica,
- Konjic – 75.000,00 KM - za sanaciju plastenika i poljoprivredne proizvodnje, stočnog fonda i za sanaciju građevinskih objekata,
- Jablanica – 50.000,00 KM – za sanaciju građevinskih objekata fizičkih lica i plastenika,
- Neum – 102.000,00 KM – za sanaciju šteta na poljoprivrednim kulturama (masline, voće i dr.), ribnjacima, na platenicima i građevinskim objektima,
- Prozor – Rama - 36.000,00 KM – za sanaciju građevinskih objekata, plastenika, voćnjaka, ribnjaka,
- Stolac - 65.000,00 KM – za sanaciju plastenika i poljoprivredne proizvodnje.

4) općinama Zapadno - hercegovačkog kantona iznos od **816.200,00 KM za općine:**

- Grude – 70.000,00 KM - za sanaciju dijela šteta na građevinskim objektima, platenicima, staklenicima, pomoćnim objektima i garažama, poljoprivrednim kulturama, uginulim životinjama i lokalnim cestama,
- Ljubuški – 165.000,00 KM - za sanaciju šteta na staklenicima i platenicima i dodatnih 389.200,00 KM za sanaciju iskazanih šteta u poljoprivredi iznad 45.000,00 KM,
- Posušje – 42.000,00 KM - za saniranje šteta na građevinskim objektima, poljoprivrednim kulturama i stradalim životinjama,
- Široki Brijeg – 150.000,00 KM – za saniranje šteta na građevinskim objektima, platenicima, staklenicima i dugogodišnjim nasadima.

5) općinama Bosansko - podrinjskog kantona iznos od **152.900,00 KM za općine:**

- Foča - Ustikolina – 34.300,00 KM - za sanaciju uništene vodovodne instalacije u područnoj školi Jabuka i sanacija štete na platenicima,
- Goražde – 63.600,00 KM – za sanaciju oštećenih krovnih konstrukcija na stambenim objektima i sanaciju plastenika,
- Pale - Prača – 55.000,00 KM - za saniranje šteta na platenicima, građevinskim objektima i sanacija šteta na dugogodišnjim zasadima.

Općinama Čapljina, Konjic i Jablanica, sredstva odobrena, kao akontativna sredstva u visini od po 20.000,00 KM, ovom Odlukom umanjuju se za iznos sredstava koja su dobili u skladu sa tač. I Odluke o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća.

II

Općine iz tačke I dužne su dobivena sredstva rasporediti tako da od ukupno dobivenih sredstava najmanje 35% dodijele poljoprivrednim proizvođačima koji su iskazali štetu.

Pored sredstava iz tačke 1. ove odluke, preostala raspoloživa sredstva u iznosu od 562.600,00 KM, dodjeljuju se poljoprivrednim proizvođačima iz općina Čapljina i Ljubuški koji su iskazali štetu veću od 45.000,00 KM i nalaze se u registru poljoprivrednih gazdinstava općine za obnavljanje poljoprivredne proizvodnje. Prema popisu i visini iskazanih šteta općini Čapljina dodjeljuje se dodatnih 405.900,00 KM i općini Ljubuški 155.700,00 KM koje su dužne ova sredstva dodijeliti poljoprivrednim proizvođačima proporcionalno iskazanim štetama uz sredstva iz tačke I 3) alineja 1 (Čapljina) i tačke I 4) alineja 2 (Ljubuški).

III

Sredstva iz tačke I ove Odluke isplatit će se sa podračuna otvorenog u okviru Jedinstvenog računa Trezora Federalnog ministarstva finansija – pod nazivom: sredstva za zaštitu i spašavanje podračun 338-690-22465515-43 ekonomski kod 614200 – transfer za elementarne nepogode, prirodne ili druge nesreće iz sredstava podračuna.

IV

Za realizaciju ove Odluke zadužuju se Federalna uprava civilne zaštite i Federalno ministarstvo finansija - Federalno ministarstvo financija, svako u okviru svoje nadležnosti.

V

Općinski načelnici općina iz tač. I i II ove Odluke dužni su podnijeti izvještaj sa kompletnom finansijskom dokumentacijom o utrošku dodjeljenih sredstava i spiskom poljoprivrednih proizvođača kojima su raspoređena ova sredstva, Federalnom štabu civilne zaštite, putem Federalne uprave civilne zaštite, u roku od tri mjeseca od dana stupanja na snagu ove Odluke.

Općine koje ne utroše sredstva u skladu sa ovom Odlukom i stavom 1. ove tačke dužne su izvršiti povrat dobivenih sredstava na podračun iz tačke 3. ove Odluke u roku od narednih 30 dana.

VI

Ova Odluka stupa na snagu danom donošenja i bit će objavljena u „Službenim novinama Federacije BiH“.

Broj: 01/11-49/2-651-2/12
Sarajevo 28.12. 2012. godine

KOMANDANT
Jerko Ivanković – Lijanović